

مُشَاطِقِ

اداره مخصوصه

درسعادنده باب عالی جاده سنده

محل اداره :

انظار :

مسکونه موافق آثار جديده مع المنونه

قبول اولنور

درج نبدله بن آثار اعاده اولغاز

دين ، فلسفه ، ادبيات ، حقوق و علوم دن باحث هفته لق رساله در

مؤسسه لری : ابوالملا زين العابدين - ح . اشرف اديب

تاريخ تاسيسي :

۱۱ نموز ۳۲۴

درسعادنده لمخه سی ۵۰ پاره در

قیرلادن مقوا بورو ايله کوندر يلمبرسه سنوی
۲۰ غروش فضله آلير

درسعادنده پوسته ايله کوندر يلمبرسه ولايات بدلی اخذ اولنور.

سنه لکی

التي آيانی

۴۰

۴۰

۶۰

۸۰

۸۰

درسه دتده

ولاياتده

مملک اجنبیه ده

عدد : ۲۷

۳۰ ربيع الاخر ۳۲۷ پنجشنبه ۷ مایس ۳۲۵

ایکنجی جلد

متکلملر، دیگر بر طاقم مجتهدلر اهل دینک سرداری اولدقلری حالدله خلیفه یه عسکرلک ایدیورلر. دین اولانجه قوتیلله، عقیده اسلامیه اولانجه شوکتیلله تابان. بوتون علما رفاهیت معیشت ایچنده، خیر و سمادت ایچنده حریت فکریه ایچنده کندی دینلرندن اولانلرله باشقه دینه تابع بولانلر آرسنده ذره قدر فرق یوق.

ایشته بر منصف قارئ بخله برابر کلیر، بو عالمی کورنور، بو مسلمانلرک حاله باقارسه دینک علمه قارشى نه قدر مساعده کار، نه قدر سمیح اولدیغنی اکلایه رق دیرکه: ظوغریسی بوراده دین حلم ایله، کرم ایله توصیف اولنه بیلیر؛ بوراده دینک مدنیت ایله فصل ائتلاف ایده بیلله چکی عیاناً کورولور. بو حکمت پرور علمادن حریت فکر ونظر اوکره نیله بیلیر؛ عقل ایله وجدان آرسنده فصل مسالمت حصوله کله بیلله چکی بولنردن تحصیل ایدیلله بیلیر.

بزده علم ایله دین آرسنده هیچ بر زمان منازعه ظهور ایتمه مشدر. آنجق علمای دین ایله ارباب علم آرسنده فکرلری سلسله تقییددن، قبلری مرض تقلیددن آزاده قالش احرار بیننده حدوثی پک طبیعی اولان بعض اوافق تفک اختلاف آرا تحدت ایتمشدر. یوقسه بر برینه آتوب طوتمق، سوکوب صایمق، لقب طاقق رذیله سی حمد اولسون طویولامشدر. هیچ کیمسه مناظرینه زندیقسک! کافر سک! بدعتچیسک! دیمه مش، یاخود بوکاکدزر بر هرزه تفوه ایتمه مشدر. کذلک هیچ بر عالم برکونه اشکنجهیه محکوم اولامشدر؛ مکرکه جماعت آرسنه تفرقه القاسنه، آسایش خالقک اخلاثنه چالیشمش اولسون. او زمان طبیعی وجودک تخلیصی ایچون فدا اولنان غانغره نلی عضوکی اوده کیلوب آتیلمشدر.

پک اعلا یا مسلمانلرده کی شو بر برینی تکفیر ایتک، ضلاله، فسق وفجوره نسبت ایله مک هوسی نه زمان باشلادی؟ زید بدعتله، عمرو زندقه ایله اتهام اولتمق عادتى نه وقت رواج بولدی؟ اولکی مقاله لریمزده سویله مشدک، شیمدی ده سویله رزکه بو علت دینده آثارضعف باشلادیغی، ارباب بصیرت بر بر رفته یه قربان اولدیغی زمانلرده یوزکوستردی. او فتنه لر ایه شوکت اسلامی محکوم انحطاط ایله مک ایچون شرقده غربده اعدای دین طرفندن اشعال ایدلمش ایدی. آرتق روحی روح اسلامیتله هیچ بر زمان قاینایه میان بر طاقم بیکانه لر امر دینده مرجع کل اولدیلر. مسلمانلرده اقوام سائره یی تقلیداً اساساً دینده اولمایان بر طاقم بدعتلر اختراعنی دینه خدمت صورتنده تلقی ایتدیلر. دینک اوشانی ماضیسنی، اسلافک اوبیوک سوزلرینی اونوتدیلرده دیندن هیچ نصیبی اولمایان بر سورو بیکانه لرک سوزلرینی حجت طانیر اولدیلر. امور مسلمینه جاهلار مستولی اولدی؛ ارشاد انامی ارباب ضلال درعهده ایتدی. بو آراق دینده بر غلو پیدا اولدی. علوم دین ایله اوغراشدقلرینی ادعا ایدنلر آراسنده دینی بیللمه مکن ناشی اوفق بر سیدن طولانی بر برینی تکفیر ایتک، خروج عن الدینله اتهام ایلک امور عادیهدن اولدی، چهل آرتدجه باطلده غلو چوغالدى.

کیخسرو قره زوسک حکایه سندن پک زیاده متأثر اولور. مسطور صحائف تاریخ اولان بو حکایه صحیح ایه ایشه انقلابات عالمک عبرت آمیز مثاللرندن بریده بودر، برکت زاده: اسماعیل صفی

دین نه قدر مساعده ایش

ای قارئ، کل سنکله ال اله ویره لمده ماضی یه طوغری یوکسله لم. شو محیط جهالتدن صیریلهرق او عالم نورانور معرفتی بولدقن صوکره اولان خلفای امویه نیک، خلفای عباسیه نیک یاننده براز توقف ایده لم؛ اونلرک اطرافنده کی فقهایی، متکلمینی، محدثینی، مجتهدینی، ادبایی، مورخینی، طبایی، فلکیونی، ریاضیونی، جغرافیونی، طبیعیونی، الحاصل هر شعبه معرفتده کی ارباب رسوخى برر بر نظر حرمتدن کچیره لم. باق، هر کس کندی دائرة اختصاصده کیجه یی کوندوزه قاتمش چالیشوب طور یور؛ مشغله سنی بیتردککن صوکره یانی باشنده کنه توجه ایدوب اونکله همدست مواخات اولیور. فقیه متکلم ایله، محدث طبیب ایله، مجتهد ریاضی ایله مضافحه ایدیور. هر بری کندی شعبه علمنده رفیقندن معاونت کوره چکنی بیللیورده اوکا کوره طاورانیور.

بوراده براز اکلندکدن صوکره هایدی بر مؤسسه علمه کیره لم؛ برچوق اعظم طویلانمشلر؛ آره لرنده کی اختلاف فکر ونظره رغماً کمال وفاق واتحاد ایله چالیشوب، مباحثه ایدوب طور یورلر. ایشه حافظ حدیث امام بخاری عمران بن حطان خارجینک اوکنده دیز چوکش، اوندن حدیث اوقویور. ایشه معتزله نیک رئیسى عمرو بن العبد کبار تابعیندن شیخ حسن بصرینک حضورنده کمال حرمتله اوطورمش، اوندن تدرس ایدیور. [حتی حسن بصری یه عمروی صورمشلر، سویله دیمش؛ او یله بر آدمی صوریورسک که کویا تربیه سنه ملکار، تأدینه نیلر مأمور ایدلمش. اطوارنده، اخلاقنده ذره قدر اطرادسزلق یوق. امر ایتدیکی شیئه هر کسدن زیاده کندی امتثال ایدر؛ نهی ایتدیکی شیدن اک زیاده کندی اجتناب ایلر. ظاهری باطنه، باطنی ظاهرینه بو قدر چوق بکزه یی آدم کورمدم].

براز ده ا یوقاری یه طوغری چیقه لمده ابوحنیفه یی کورم. قوجه امام، مذهب زیدیه صاحبی امام زیدبن علینک اوکنه چوکش اوندن اصول عقائد اوقویور، فقه اوکره نیور. آره لرنده ایکی صاحب رأیک اظهار حقیقت ایچون مراجعت ایتدیکی مناظره ادیبانه دن باشقه بر حادثه کچمیور. بونلری ده براقه لم، صف صف دیزلمش، حلقه حلقه اوطورمش بیکلرجه علمای ملتک آرسندن کچلم. باق هر برینک طریق طلبلری باشقه، لکن جمله سنک غایه املی برکه اوده علمدن، حقیقتدن عبارت. هر بری بر ساعت فکر آ چالیشمق التمش سنه لک عبادتن خیرلیر. (حدیث) عقیده سنده متحد.

خلیفه لر بوتون ائمه دین، بوتون مجتهدین، فقیهلر، محدثلر،

علم، فکر، نظر استدلال مدخول قالدی. [حالبوکه بونلر لوازم دین ایدی.] دها صوکر ایدیناً واجب اولان امور محظورات صرسته بکدی.

مسلمانلر دینلرنده حقیقه عالم اولدقلری زمان بتون اقوام دنیا آراسنده عالم ایدیلر. بتون عالمک پیشوای ایدیلر. اسرار شریعتی بیلیمک خسته لغنه طوتولنجه آرتق موجودیت حقیقه لرینی محافظه ایدهمیرک انهمزاه اوغرا دیلر.

یامسلمانلرک بوجهلی مسائل دینده کنیدیلرینه مخالفتده بولونانلری، یاخود مسالک فلسفه ذاهب اولانلری تکفیرله قالدیمی؟ هیات...! اونلرک بوجهلی کنیدیلرینی ائمه دینه، خدمه سنت و کتابه هجومه قدر سوق ایتدی. از جمله امام غزالی نیک کتابلری برچوق زمانلر جمهور مسلمینک ایدی استفاده سنده کمال حرمتله کزمشکن اخیراً غرناطیه کتورلدی. عالم کسوه سینه بروشمش بر طقم مغربلی متعلملر او اثرلری تضلیل ایتمکه، تفسیق ایتمکه باشلادیلر. بونک اوزرینه آثار غزالی نیک کافه سی، خصوصیه احیای علومک بتون نسخه لری طوبلادیله رق غرناطیه نیک اورتیه سنده جابر جابر یاقلدی. کنیدیلرینی مسلم ظن ایدن بعض بدلار ابن تیمیه حقنده: او، هم ضال، هم مضلر، دیرلرکه حضرتک علوم دینیه ده کی کبی غیرت دینیه سی قدر عالیدر. آرتق بو حریفلرک اثرینه تبعیتله یتیشن مقلدلر اکبرامته اغز طولوسی سوککه باشلادیلر. وبالی قیامته قدر کنیدیلرینه و کنیدیلرینی مقتدا اتخاذ ایدنلرک بویته اولسون.

مترجمی: محمد عاکف

تذکره حوالک یادماضی

— مایمه —

مدارس مزده کفایت مقداری علوم آله او قوندقندن صکره اصل اوزون اوزادییه اوغراشیله جق علوم شو علوم عالیهدر: تفسیر شریف، حدیث، فقه، اصول فقه، اصول حدیث، علم توحید و کلام. بو علوم عالیه بزه خیر و شری، فضائل و رذائل کوسترر، قوه فعاله مزری خیره سوق ایدر، اخلاقزی تهذیب ایلر، وظائف و حقوقزی اوکرده در، معاملاتمزری تصحیح ایلر، الحاصل سعادت دارینه رهبر اولور. دارالافاده لرمز: مؤذنین، ائمه، خطباء، وعاظ و متکلمین، مشایخ صوفیه، قضاة، اهل فتوی، مدرسین یتشدریمک اوزره صنوف و طبقات مختلفه تقسیم و تدریسات واقعه بوصفله کوره ترتیب اولنورسه دهامضبوط، نفی دهام و شامل اولور صانیرم. وقیله دارالقراء، دارالحديث، دارالطب کبی فنون مختلفه

تعلیم و قرائتنه مخصوص مدرسه لرمز وار ایدی، دارالمشویعز اینه حالا موجود. فقهای عظام اجماع ایلمشلردرکه هر اوچ کونلک مسافه ده ازاله شبات، الزام معاندین، ارشاد مسترشدین ایلیمکه مقتدر بر ذاتک وجودی لابددر، هر نصف مرحله ده بولسان محللرده دخی ظواهر احکام شریعتیه واقف بر عالم بولغلی در.

ایام تحصیلیه صباحلری ایکنیدیلری وایام تعطیل اولان جمعه وصالی کونلری ینه او وقتلرده خواجه مرحومک درسده دوام ایدر و اوقات سائرده و درس کسملرنده و مرحوم دیوان احکام عدلیه یه اعضا تعیین اولنوب برآرهلر ایکنیدی درس لرینی ترک ایتدیکندن ایکنیدی درس لرنده دخی بعض افضل اساتذده نیک تدریساتنه مداوم بولندیغمز صرسته [ایضاح المرام فی کشف الظلام] مؤلفی فاضل محترم عبدی بکله علامه شهر شیخ تیمی و محدث ادیب احمد شتوان افندیلردن تفسیر، حدیث، ادبیات عربیه او قودم. شتوان افندی مرحوم لسانی لحن و خطادن محفوظ اوله رق درسی غایت سلیس و فصیح تقریر ایتدیکی کبی کرک تأیید مقال و کرک الفاظ لغویه نیک معانیسنی ایضاح صدندده استشهاد ایچون برچوق ابیات ادبا، برخیلی اقوال علما ایرادیلر بحتی توسیع و تزیین ایدر بر ادیب ذوق آشنای کلام ایدی [۱] تیمی مرحوم دخی عربجه تقریر ایدر و درس ائساننده مناسبت دوشوروب خوش خوش فقره لر منقبه لر سویله رک هم طلبه نیک مطالعه دن یورلمش اولان ذهنلرینی تشیط ایلر، هم مطایبات ایله تلوین ایدلمش عارفانه سوزلر ایله ادب و اخلاق درسی ویربریر محترم ایدی. [مطول] ک مسند بحتی او قور ایکن ارقداشلر مزدن برینی او یوقلار کوردیکندن «رأیت فی المنام کمنک تسبیح فی البحر» ملاطفه سیله ایقاظ ایلشیدی. برکون صوردی: سعدالدین تفتازانی کبی بر علامه بی مدانی یه یاقیشورمی ایدی که فن بلاغته تألیف ایتمش اولدینی شوشرحنی نظر قنده مقدوح اولان (مطول) تسمیه ایتسون. بو سؤاله زفقادن هربری بر درلو جواب ویردیه ده مرضیه نه موافق کلدیکندن هیچ برینی بکنمیدی. «ذی الطول العظیم» آیت کریمه سی خاطریه کلدی. دیدم که «سیدی! هذا لاسم مشتق من الطول بفتح الطاء وهو الفضل، كما ورد في قوله تعالى ذی الطول العظیم، لامن الطول بضم الطاء فلا یكون الکتاب مسماً بما هو معیب عند اهل الفن».

بو توجهیه کوره مطول لفظی مفضل معناسنی افاده ایدیور دیمک اولدیفندن عرض ایتدیکم جوابی پک تقدیر ایدوب «هذا الصغیر اعقل ممن؛ منکم منکم» سوزینی کنیدینه مخصوص بر شیوه ایله وبلند ندا ایله برقاج کره تکرار ایلدی. واقعا خطیب دمشقی نیک تلخیصی اوزینه علامه تفتازانی نیک بو شرحندن بشقه «مختصر» نامنده دیگر بر شرحی

[۱] احمد شتوان افندی بنفاریده تولد ایتمش و ۱۲۹۹ ده درسما تده ارحال دارقما ایلشدر. ابوالفتح و المناری سلطان محمد خان نالی حضرتلرینک نرته شریفه سی جوارنده کی حظیر ده مدفوندر. تبری، حظیره نیک بحر سفید جهنند، واقع نیوسندن کیرلرکه قیوه قریب بر محله ده صاغ طرفده پار قلغک ارق سنده کی بکجه صرده در.